


集異門足論

才四

三百五十七
同四

50295



Handwritten text on the right edge of the page, possibly a date or signature.

阿毗達磨集異門足論卷第四

同

尊者舍利子說

三藏法師

玄奘奉

詔譯

三法品第四之二

電光喻心云何荅如世尊說苾芻當知世有一類補特伽羅居阿練若或居樹下或住空閑精勤修習多修習故證得如是寂靜心定依是定心能永斷五順下分結得不還果受上化生即任上界得般涅槃不復還來生於欲界如過夏分至秋初時從大雲臺電光發已暫現色像速還隱沒如是一類補特伽羅居阿練若乃至廣說彼所得心名電光喻問何故彼心名電光喻荅彼心意識證不還果

暫能照了速還隱沒是故名曰電光喻心金
剛喻心云何荅如世尊說苾芻當知世有一
類補特伽羅居阿練若或居樹下或住空閑
精勤修習多修習故證得如是寂靜心定依
是定心能盡諸漏證得無漏心慧解脫於現
法中以勝通慧自證覺受圓滿功德謂自證
知我生已盡梵行已立所作已辦不受後有
譬如金剛無有少物而不能斷或穿或破所
謂若鐵若牙若貝若角若珠若玉石等如是
一類補特伽羅居阿練若乃至廣說彼所得
心名金剛喻問何故彼心名金剛喻荅彼心
意識證無學果無結縛等而不能壞是故名

曰金剛喻心

三補特伽羅者一者覆慧補特伽羅二者膝
慧補特伽羅三者廣慧補特伽羅云何覆慧
補特伽羅答如世尊說苾芻當知世有一類
補特伽羅爲聽法故苾芻前坐苾芻哀愍爲
說法要開示初善中善後善文義巧妙純一
圓滿清白梵行彼在法座於所說法初中後
分皆不能知從座起已於所說法初中後分
亦不能了所以者何彼都無慧猶如覆器亦
如覆瓶雖多漑水竟無受入如是一類補特
伽羅爲聽法故苾芻前坐廣說乃至彼都無
慧是名覆慧補特伽羅問何故名覆慧補特

伽羅荅彼有是慧在法座時於所說法初中
後分雖皆欲知而無慧故皆不能知彼有是
慧從座起已於所說法初中後分雖皆欲了
而無慧故亦不能了故名覆慧補特伽羅云
何膝慧補特伽羅荅如世尊說苾芻當知世
有一類補特伽羅為聽法故苾芻前坐苾芻
衰慙為說法要開示初善中善後善文義巧
妙純一圓滿清白梵行彼在法座於所說法
初中後分雖皆能知而從座起於所說法初
中後分皆不能了先雖領受而後忘失譬如
有人得妙飲食置於膝上以失念故歛從座
起皆悉墜落如是一類補特伽羅為聽法故

苾芻前坐廣說乃至而後忘失是名膝慧補
特伽羅問何故名膝慧補特伽羅答彼有是
慧在法座時於所說法初中後分隨所欲知
以有慧故雖皆能知彼有是慧而從座起於
所說法初中後分雖皆欲了而無慧故皆不
能了先雖領受而後忘失故名膝慧補特伽
羅云何廣慧補特伽羅答如世尊說苾芻當
知世有一類補特伽羅為聽法故苾芻前坐
苾芻哀愍為說法要開示初善中善後善文
義巧妙純一圓滿清白梵行彼在法座於所
說法初中後分皆悉能知從座起已於所說
法初中後分亦悉能了復能善知所說義趣

如刹帝利女或婆羅門女或長者女或居士
女清水沐浴妙香塗身梳剪髮爪瑩飾眉面
服鮮淨衣著諸瓔珞以環釧等而自莊嚴唯
少華鬘未冠其首有諸尊者持妙華鬘謂盥
鉢羅瞻博迦等隨其所好而授與之諸女亦
時歡喜踊躍恭敬受取冠在頂上深心愛翫
終無遺失如是一類補特伽羅爲聽法故必
芻前坐乃至善知所說義趣是名廣慧補特
伽羅問何故名廣慧補特伽羅答彼有是慧
在法座時於所說法初中後分隨所欲知以
有慧故皆悉能知彼有是慧從座起已於所
說法初中後分隨所欲了以有慧故亦悉能

了復能善知所說義趣故名廣慧補特伽羅
如世尊說

覆慧不聰明 雖數多聞法 無智不能了

如灌覆瓶器 膝慧勝於前 坐聽雖能了

而起已皆忘 如遺膝上食 廣慧最為勝

在法座若起 於文義俱了 如女冠華鬘

具持念辯才 樂修淨業深 斷憍慢放逸

能捨諸惡趣

三上座者謂生年上座世俗上座法性上座

云何生年上座答諸有生年尊長者舊是謂

生年上座云何世俗上座答如有知法富貴

長者共立制言諸有知法大財大位大族大

力大眷屬大徒衆勝我等者我等皆應推爲
上座供養恭敬尊重讚歎由此因緣雖年二
十或二十五若能知法得大財位大族大力
有大眷屬大徒衆者皆應和合推爲上座供
養恭敬尊重讚歎如諸國土城邑王都其有
多聞妙解筭數辯才書印或隨一二巧慧

處勝餘人者皆共和合推爲上座供養恭敬
尊重讚歎如商侶中有多財者衆人和合推
爲上座供養恭敬尊重讚歎如得爲王或大
臣等衆人皆共供養恭敬尊重讚歎如難陀
王長髮王種欲興戰爭召馬勝王刹帝利種
重賜財寶令其示現種種及能知彼勝已告

大臣曰封王當知吾欲敬禮刹帝利種馬勝王足大臣白言天不應禮刹帝利種馬勝王足所以者何彼是臣佐君不應禮臣佐之足如是等事有無量種今此意說長髮王種難陀王時世俗上座云何法性上座答諸受具戒者舊長宿是謂法性上座有說此亦是生年上座所以者何佛說出家受具足戒名真生故若有苾芻得阿羅漢諸漏永盡已作所作已辦所辦棄諸重擔逮得已利盡諸有結正知解脫心善自在此中意說如是名爲法性上座如世尊說上座頌言

心掉多綺語

染意亂思惟

雖久隱園林

而非真上座

具戒智正念

寂靜心解脫

彼於法能觀

是名真上座

三聚者謂邪性定聚正性定聚不定聚云何
邪性定聚答五無間業云何正性定聚答學
無學法云何不定聚答除五無間業餘有漏
法及無為

三舉罪事者謂見舉罪事聞舉罪事疑舉罪
事見舉罪事者云何見云何舉罪云何事而
說見舉罪事耶答見謂見有苾芻故思斷生
命不與物而取行非梵行婬欲法正知而說
虛誑語故思出不淨非時食飲諸酒自手掘
地壞生草木歌舞作樂冠飾華鬘放逸縱蕩

是名爲見舉罪謂五種舉罪一者覺察舉罪二者憶念舉罪三者應告羯磨舉罪四者布灑他時安立舉罪五者於恣舉時安立舉罪云何覺察舉罪答謂有覺察他苾芻言具壽已犯如是如是罪應發露勿覆藏發露則安隱不發露罪益深是名覺察舉罪云何憶念舉罪答謂有教他令自憶念告言具壽汝已曾犯如是如是罪應發露勿覆藏發露則安隱不發露罪益深是名憶念舉罪云何應告羯磨舉罪答謂應告言具壽不應不令我覺默然從此任處出去我於具壽欲有少言是名應告羯磨舉罪云何布灑他時安立舉罪答

謂布灑他時所差舉者作如是言此苾芻衆
和合共坐作布灑他我某苾芻爲布灑他之
所差舉是名布灑他時安立舉罪云何於恣
舉時安立舉罪答謂恣舉時所差舉者作如
是言此苾芻衆和合共坐作恣舉事我某苾
芻爲恣舉衆之所差舉是名於恣舉時安立
舉罪是名舉罪事謂即前所見犯事是名爲
事如是合名見舉罪事聞舉罪事者云何聞
云何舉罪云何事而說聞舉罪事耶答聞謂
聞有苾芻故思斷生命不與物而取行非梵
行婬欲法正知而說虛誑語故思出不淨非
時食飲諸酒自手掘地壞生草木歌舞作樂

冠飾華鬘放逸縱蕩是名爲聞舉罪謂五種
舉罪如前說是名舉罪事謂即前所聞犯事
是名爲事如是合名聞舉罪事疑舉罪事者
云何疑云何舉罪云何事而說疑舉罪事耶
答疑謂五緣而生於疑一由色故二由聲故
三由香故四由味故五由觸故由色故者謂
見苾芻非時入聚落非時出聚落或與女人
入出叢林或親狎外道或親狎扇搗半擇迦
或親狎苾芻尼或親狎姪女或親狎小男或
親狎大女或親狎寡婦見如是等可疑事已
便生疑念觀此具壽現行如是不清淨非沙
門非隨順行如是具壽定應已犯非梵行法

是名由色而生於疑由聲故者謂聞苾芻非
時入聚落非時出聚落或聞與女人入出叢
林或聞親狎外道親狎扇搯半擇迦親狎苾
芻尼親狎姪女親狎小男親狎大女親狎寡
婦聞如是等可疑事已便生疑念聞此具壽
現行如是不清淨非沙門非隨順行如是具
壽定應已犯非梵行法是名由聲而生於疑
由香故者如有苾芻或爲澡手或爲洗面或
爲飲水或隨一緣入餘苾芻所任之處嗅雜
染香謂女人香或酒肉香或塗熏香或餘隨
一姪洑之香嗅是香已便生疑念今此具壽
所任之處既有如是不清淨非沙門非隨順

香定應已犯非梵行法。是名由香而生於疑。
由味故者。如有苾芻。或爲澡手。或爲洗面。或
爲飲水。或隨一緣入。餘苾芻所住之處。見彼
苾芻口中。含嚼雜染諸味。謂鮎脯羅龍腦豆
蔻。或餘隨一婬泆之味。見彼苾芻嘗是味。已
便生疑念。今此具壽舌嘗。如是不清淨。非沙
門。非隨順味定應已犯非梵行法。是名由味
而生於疑。由觸故者。如有苾芻。或爲澡手。或
爲洗面。或爲飲水。或隨一緣入。餘苾芻所住
之處。見彼苾芻所止牀座寶香。校飾細軟雜
綵錦繡綾羅。以爲敷具於牀。兩頭俱置丹枕。
迦陵伽褐。而覆其上。於彼住處。復見女人端

正少年或坐或卧見是事已便生疑念今此
具壽身觸如是不清淨非沙門非隨順觸定
應已犯非梵行法名由觸而生於疑是名
為疑舉罪謂五種舉罪如前說是名舉罪事
謂即前所疑犯事是名為事如是合名疑舉
罪事

三不護者謂諸如來三業無失可有隱蔽恐
他覺知故名不護何等為三一者如來所有
身業清淨現行無不清淨現行身業恐他覺
知須有蔽護二者如來所有語業清淨現行
無不清淨現行語業恐他覺知須有蔽護三
者如來所有意業清淨現行無不清淨現行

意業恐他覺知。須有藏護云。何如來所有身業清淨。現行。若身業清淨。現行者。謂離斷生命。離不與取。離欲邪行。復次。離斷生命。離不與取。離非梵行。復次。所有學身業清淨。現行。所有無學身業清淨。現行。所有善非學非無學身業清淨。現行。及義中意說。如來所有無學身業清淨。現行。及所有善非學非無學身業清淨。現行。如來具足圓滿成就。如是身業清淨。現行。故說。如來所有身業清淨。現行云。何如來無不清淨。現行。身業。若不清淨。現行。身業者。謂斷生命。不與取。欲邪行。復次。斷生命。不與取。非梵行。

復次所有不善身業所有非理所引身業所
有身業能障礙定摠名不清淨現行身業如
來於此不清淨現行身業已斷已徧知如斷
草根多羅樹頂令永於後成不生法由此如
來無可隱匿覆蔽藏護勿他見我此穢身業
故說如來無不清淨現行身業云何如來所
有語業清淨現行答語業清淨現行者謂離
虛誑語離離間語離麁惡語離雜穢語復次
所有學語業清淨現行所有無學語業清淨
現行所有善非學非無學語業清淨現行摠
名語業清淨現行於此義中意說如來所有
無學語業清淨現行及所有善非學非無學

語業清淨現行如來具足圓滿成就如是語
業清淨現行故說如來所有語業清淨現行
云何如來無不清淨現行語業答不清淨現
行語業者謂虛誑語離間語麤惡語雜穢語
復次所有不善語業所有非理所引語業所
有語業能障礙定搃名不清淨現行語業如
來於此不清淨現行語業已斷已徧知如斷
草根多羅樹頭令永於後成不生法由此如
來無可隱匿覆蔽蔽護勿他見我此穢語業
故說如來無不清淨現行語業云何如來所
有意業清淨現行答意業清淨現行者謂無
貪無瞋正見復次所有學意業清淨現行所

有無學意業清淨現行所有善非學非無學
意業清淨現行摠名意業清淨現行於此義
中意說如來所有無學意業清淨現行及所
有善非學非無學意業清淨現行如來具足
圓滿成就如是意業清淨現行故說如來所
有意業清淨現行云何如來無不清淨現行
意業若不清淨現行意業者謂貪瞋邪見復
次所有不善意業所有非理所引意業所有
意業能障礙定摠名不清淨現行意業如來
於此不清淨現行意業已斷已徧知如斷草
根多羅樹頭令永於後成不生法由此如來
無可隱匿覆蔽蔽護勿他見我此滅意業故

說如來無不清淨現行意業

第三嗚柁南曰

三三法有九

謂三愛漏求

及有黑闇身

怖受苦慢類

有三愛三漏三求三有三黑闇身三怖三受

三苦性三慢類

三愛者一欲愛二色愛三無色愛欲愛云何

答於諸欲中諸貪等貪執蔽防護耽著愛染

是謂欲愛復次於欲界繫十八界十二處五

蘊諸法中諸貪等貪執蔽防護耽著愛染是

謂欲愛復次下從無間大地獄上至他化自

在天於此所攝色受想行識諸法中諸貪等

貪執藏防護耽著愛染是謂欲愛色愛云何
答於諸色中諸貪等貪執藏防護耽著愛染
是謂色愛復次於色界繫十四界十處五蘊
諸法中諸貪等貪執藏防護耽著愛染是謂
色愛復次下從梵衆天上至色究竟天於此
所攝色受想行識諸法中諸貪等貪執藏防
護耽著愛染是謂無色愛云何答於無
色中諸貪等貪執藏防護耽著愛染是謂無
色愛復次於無色界繫三界二處四蘊諸法
中諸貪等貪執藏防護耽著愛染是謂無色
愛復次如欲色界決定處所上下差別不相
雜亂無色界中無如是事然可依定依生勝

劣說有下上謂下從空無邊處天上至非想
非非想處天於此所攝受想行識諸法中諸
貪等貪執蔽防護耽著愛染是謂無色愛如
世尊說

有愛諸士夫

長世數流轉

數受胎藏苦

往還諸有中

斷愛諸有情

暴流已斷故

無愛潤生故

不流轉後有

復有三愛一欲愛二有愛三無有愛欲愛云
何荅於諸欲中諸貪等貪執蔽防護耽著愛
染是謂欲愛有愛云何荅色無色界諸貪等
貪執蔽防護耽著愛染是謂有愛無有愛云
何荅欣無有者於無有中諸貪等貪執蔽防

護耽著愛染是謂無有愛此復如何如有一
類怖畏所逼怖畏所惱憂苦所逼憂苦所惱
苦受觸故作是念言云何當令我身死後斷
壞無有永斷衆病豈不樂哉彼欣無有於無
有中諸貪等貪執藏防護耽著愛染是謂無
有愛如世尊說

愛所執有情

心貪有無有

魔輒所輒故

身常不安樂

流轉諸有中

生已歸老死

如犢子愛乳

隨母嘗不離

三漏者一欲漏二有漏三無明漏欲漏云何
荅除欲界繫無明諸餘欲界繫結縛隨眠隨
煩惱纏是謂欲漏有漏云何荅除色無色界

繫無明諸餘色無色界繫結縛隨眠隨煩惱
纏是謂有漏無明漏云何答三界無智是謂
無明漏如世尊說

若苾芻已斷 欲有無明漏 諸漏永盡故
無影般涅槃

三求者一欲求二有求三梵行求欲求云何
答住欲有者於欲界法未得爲得諸求隨求
平等隨求怖求欣求思求勤求是謂欲求有
求云何答住色無色有者於色無色界法未
得爲得諸求乃至勤求是謂有求梵行求云
何答離二交會說名梵行八支聖道亦名梵
行於此義中意說八支聖道梵行諸有於此

八支聖道未得爲得諸求乃至勤求是謂梵
行求復次欲求者非求死後當生諸有然於
現在可意色聲香味觸衣服飲食卧具病緣
醫藥諸資生具未得爲得諸求乃至勤求是
名欲求有求者有謂五取蘊何等爲五謂色
取蘊受取蘊想取蘊行取蘊識取蘊如有一
類作是念言云何令我得未來世如是類色
受想行識彼於死後當生諸有色等五蘊諸
求乃至勤求是名有求梵行求者從世第一
法趣苦法智忍時有梵行求非有梵行所以
者何八支聖道說名梵行彼於尔時未得未
近得未有未現有從苦法智忍趣苦法智時

有梵行求亦有梵行所以者何八支聖道說
名梵行彼於今時已得已近得已有已現有
如是從苦法智趣苦類智忍從苦類智忍趣
苦類智從苦類智趣集法智忍從集法智忍
趣集法智從集法智趣集類智忍從集類智
忍趣集類智從集類智趣滅法智忍從滅法
智忍趣滅法智從滅法智趣滅類智忍從滅
類智忍趣滅類智從滅類智趣道法智忍從
道法智忍趣道法智從道法智趣道類智忍
從道類智忍趣道類智從道類智趣道類智
或趣所餘無漏智時有梵行求亦有梵行所
以者何八支聖道說名梵行彼於今時已得

已近得已有已現有復次若世間道證一來
果不還果時有梵行求非有梵行所以者何
八支聖道說名梵行彼於今時未得未近得
未有未現有若無漏道證預流果或證一來
不還阿羅漢果時有梵行求亦有梵行所以
者何八支聖道說名梵行彼於今時已得已

近得已有已現有如世尊說

具念定正知

諸佛真弟子

正知求聖道

終不求餘事

若怖求已滅

聖道當趣盡

苾芻求盡故

無影般涅槃

三有者一欲有二色有三無色有欲有云何

答若業欲界繫取為緣欲感當有彼業異孰

是謂欲有色有云何答若業色界繫取為緣
欲感當有彼業異熟是謂色有無色有云何
答若業無色界繫取為緣欲感當有彼業異
熟是謂無色有

三黑闇身者一過去黑闇身二未來黑闇身
三現在黑闇身過去黑闇身者云何過去云
何黑闇云何身而說過去黑闇身耶答過去
者謂諸行已起已等起已生已等生已轉已
現轉已聚集已出現落謝過去盡滅離變過
去性過去類過去世攝是謂過去黑闇者謂
於過去行發起種種求解異慧廣說乃至疑
猶預箭是謂黑闇身者有說與疑相應無明

名身於此義中即疑名身所以者何黑謂無
智由黑故闇說名黑闇此即是疑即此黑闇
說名爲身故名過去黑闇身未來黑闇身者
云何未來云何黑闇云何身而說未來黑闇
身耶答未來者謂諸行未已起未已等起未
已生未已等生未已轉未已現轉未聚集未
出現未來性未來類未來世攝是謂未來黑
闇者謂於未來行發起種種求解異慧廣說
乃至疑猶預箭是謂黑闇身者有說與疑相
應無明名身於此義中即疑名身所以者何
黑謂無智由黑故闇說名黑闇此即是疑即
此黑闇說名爲身故名未來黑闇身現在黑

闇身者云何現在云何黑闇云何身而說
在黑闇身耶荅現在者謂諸行已起已等起
已生已等生已轉已現轉聚集出現住未已
謝未已盡滅未已離變和合現前現在性現
在類現在世攝是謂現在黑闇者謂於現在
行發起種種求解異慧廣說乃至疑猶預箭
是謂黑闇身者有說與疑相應無明名身於
此義中即疑名身所以者何黑名無智由黑
故闇說名黑闇此即是疑即此黑闇說名為
身故名現在黑闇身

三怖者一病怖二老怖三死怖病怖者云何
病荅頭痛等廣說如法蘊論是謂病云何怖

答如有一類見他病已深生獸患自念我身
亦有此分亦有此性亦有此法未越此法由
此便生驚恐怖畏惶懼毛豎是謂怖由病起
怖故名病怖老怖者云何老答髮落等廣說
如法蘊論是謂老云何怖答如有一類見他
老已深生獸患廣說乃至惶懼毛豎是謂怖
由老起怖故名老怖死怖者云何死答彼彼
有情即於彼彼諸有情聚移轉壞沒廣說如
法蘊論是謂死云何怖答如有一類見他死
已深生獸患廣說乃至惶懼毛豎是謂怖由
死起怖故名死怖如世尊說
諸異生雖能 獸病老死法 而不能如實

朕此所依身

我能厭此身

深了知此法

故不樂久住

速入無餘依

我觀一切種

無疾少年命

病老死所壞

唯出離安隱

我已勤精進

通達究竟迹

雖不習諸欲

而捨修梵行

說一切有部集異門足論卷第四

同

練若

下汝暫暫

二同既

占愛欵

許勿鬘

莫班

唄

於骨

逮音掘地

上其勿反狎

胡甲搯

丑佳

澡滌

二同音淫

泆

下夷嚼

才約

舖羅

上音

豆

薙

下呼

迦褐

下胡隱

匿

下尼犢

音

讀

